

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Carmina in laudem B. Mariae Virginis multorumque sanctorum

Brant, Sebastian

[Basel], [nicht vor 1494]

In laudem deifere virginis

[urn:nbn:de:bsz:31-290354](https://nbn-resolving.org/urn:nbn:de:bsz:31-290354)

In laudem deifere virginis

Marie Hecatoſtichon.

.S. Brant.

QVe paris / indutum carnem / sine semine solem
Iusticie: & verbum / pregenitumq; deo:
Salve ancilla dei: salve o pia sponsa / sacraſi
Pneumatis: & domini mater amata Iesu.
Luminis eterni iubar es: decus etheris: orta
Gentibus in lucem splendida stella maris.
Pullulat ab radice sua te Iesse: paterna
Sed tamen imunis / & sine labe / manes.
Sic tua concepit genitrix: sic credere dignum est:
Hereat vt sceleris nil tibi prorsus Adq;
Nil tibi flama nocet: quavis rubus vndiq; flagret:
Nec leſus caſti est corporis ille pudor.
Quin & peccati ſit mentio nulla per eum:
Cum memor est quiſqua virgo beata tui.
Tota quide pulchra es mea dulcis amica : nec in te
Est macula: vngenti fragrat aroma tui.
Te pater eternus ſponſam ſibi legit ab euo:
Et matrem: cum nec ſecula facta forent.
Cuncta chaos fuerant / nec dum primordia rerum
Quando ex ore dei candida prodieras.
Aetherei facta es preclara fenestra palati.
Qua miſeris aditus introitusq; patet.
O regina poli: decus o terreq; marisq;
Spiritus superis regia virgo ſoror:

En tua mirantur præconia digna / superni
Indigenę: insistent laudibus atq; tuis.
Martyribus palma es: tu gloria ciuibus altis:
Laureola / & sanctę virginitatishonos.
Sydera bis sena / tua tempora virgo coronant:
Sub pedibus luna est. vndiq; sole micat
Tu posita es pacti signum thaumantias iris:
Quod nostri imemorem non sinit esse deum.
Credidit ipse deo / te propter / maximus Abram:
Et multis meruit gentibus esse pater.
Tu medium per quod aries datur hostia patri:
Lanigeras genito tu facis esse manus.
Terribilemq; locum tua tum presentia fecit
Cum celi scalas te uidet esse Iacob.
Tu mare / iordanęq; retro fluere in mare cogis:
Israhel vt montem migret adusq; dei.
Tu simulacra Laban rapis / Aegyptiq; penates.
Heresis & / sola te duce / cuncta cadit.
Tu vitę lignum quo serpens pendet athena:
Tu colubri antiqui guttura torta premis.
More facis Iosue properantē sistere solem.
Deicis horrifonis moenia sacra tubis,
Cedis holofernis caput o celeberrima Iudith:
Funda tua anguipedem / centimanūq; ferit.
Malleus es Syfarez. tu prouida Delbora: pacis
Te struit in templum Beselehel / & hynam.
Asuerum placas / humili prece / virgo furentem:
Et populum saluas Hester amicta tuum.

Abbigail prudens: Aaron flos: fœderis archa:
Auri candelabrum: Rachel amata viro.
Milia te signant enigmata: mille figurę:
Plena quibus tota est pagina sancta patrum.
Tu vetus illa Syon de qua memoranda feruntur:
Quam sibi delegit rex hominũ atq; deus.
Psalterio aurato vates te regius ornât:
Personat extensas & tibi virgo fides.
Tu lapidẽ excisum manibus sine / parturis: & quẽ
Reprobat artificum / comprobât atq; manus.
Numine diuino Salomon tibi cantica promit.
Teq; prophetarum concinît vsq; chorus.
Igneus Helyę currus: vel abinde relapsum
Palliolum candens: spiritus atq; duplex.
Tu turris clypeata: nitens pellis Salomonis:
Hynnulus / & saltans per iuga capreolus.
Certe columbarũ tibi sunt sine turbine ocelli:
Colla tibi barrhi: turturis atq; genę.
En tuus emittit paradísus punica mala.
Nectare lingua madet: lac mel ab ore fluít.
Tu fons signa gerens. ortus conclusus ab omni
Parte: serata manes peruia porta dei.
Tu fons hortorum libano fluis impete viuo.
Tu facis e petra currere dulcis aquas.
Tu genitrix veri Salomonis / vellus inundans
Rore: sub Engadi botrus: & vua Soreth,
Tu libani platanus: in Cades florida cedrus.
Flosculus in in campis: mollis oliua vię.

Tu crocus/atq; aloë: tu palma: & succus amomí:
Tu bene spirantis copia larga rosę
Tu casia / & costus / tu gutta / & virgula thuris:
Mandragora: & mirrhę syluula / lecta deo.
Balsama tu redoles: tu cyñama: tuq; cupřsum:
Suaue rubent in te rosmaris / atq; thymum.
Tu rosa sub spinis: tuq; in conualle virenti
Liliolum: nardus: tu violę omnis odor.
Sed quorsum hęc? citius ponti nūeremus harenas.
Et libyci quę sit messis habunda soli:
Quā tibi vel mīmas recitent mea carmina laudes
Christifera o genitrix: sed cape grata / velim.
Me rege depulsis vitę pia virgo procellis:
Dextera salutaris sit tua tenfa reo.
Aurea mater ades: votis simul annue nostris
Vt tibi complacent: aurea mater ades.
Nosce precor plebem quę te colit inclyta virgo:
Et peragas matris parte ab vtraq; vices.
Filius ipse negat tibi nil: qui fecit asylum
Te miseris: tutūq; perfugiumq; reis.